

魂不知其生機即靈魂也然則何以不動不知其長大即其動也則胡不有天矣一切靜物頑物微塵野馬人疑有體魄無靈魂不知世界既有此物必有所生有所生則有靈魂也則胡不有天矣世界無有體魄無靈魂者無靈魂則無體魄無生則無死未有有死而無生者也而况體魄皆天乎故知教不可不知天知天不可不知凡物皆天知凡物皆天則凡物以平等視之而獨凡教不以平等視之乎多見其自外於天已其終能外可也其如終不能外何汝以為正人更有正於汝者汝以為精人更有精於汝者汝以為大人更有大於汝者吾一以平視之則任其正其精其大不出吾平也此所謂無等等者也所謂以元統之者也所謂大同也太平也人能大同其教則大同其世界矣人能太平其教則太平其星球矣此非獨吾教未能萬教猶尚未能抑非獨吾教之罪萬教與有其罪抑實無不能無有罪者時而已乃失其時則失天也失天則必死也抑無所謂失且必死也氣運之運迫之世乘之風靡之雄者決之智者因之仁者化之萬水匯於溟瀛無非水也萬氣彌於虛空無非氣也萬土聚於五洲無非土也苟欲別而稱之絕而遠之殊而目之抑不能矣天之義從公地之質從通人之性從同一人孤生不成其為人一國孤據不成其為國一洲孤立不成其為地球一筋一血一絡一絡不成其為身故一教不成其為世界也審矣無以同之則漲憤殺奪瘴瘴瘴礙而已矣故天不忍示之幾已故人不忍行其幾已昔者有撒其藩籬者其時未至其教未全其義未宏故格於俗然其言可取也凡毅然有所樹者必其毅然有所是者也必其的然異於眾生者也然猶不即信迨至其種靡然其從之其徒耐然其嗜之其泉桀頑怪垂然其服之然猶不即信乃至察其所以確然其有所不妄披其所志冲然其有所入吾又省其所因渾然其有所得於天一教如是萬教如是退乃嗒然自喪恍然自覺悔前此之小幸方來之適也甚矣民賊時文之毒一至此也其書禁絕則眉睫之外無剩親矣臭腐遠則方寸之隙無餘明矣一二夢醒之士寥寥寂寂如此可哀也故時文不廢則孔教必亡無疑也知其似者既絕而又挾其絕不似者以傲人凌人吾孔教吾孔教不知人且以土番禽獸不如待之操其利兵惡穢草薶之禽獮之隨其後也而悍然不悔悔之已晚謂之何哉吾言不信請證山東一殺教士全國附人尼父邱陵淪為異域踐踏桎梏皆將任之終天茹恨莫可誰何不知吾民抑何苦也此其所爭在至淺最粗之下其根則原於士夫不明深開固拒縱焚恣燬有以致之吾辛勤苦營場血無謂彼一紙公文唾手已得其藉口發難則一教字而已瓜分之圖橫陳市上一展教案有戮則割割可待吾湘視之憐不為懼覆車敗轍九土相續殄滅斯盡其心方快此之肺肝又不知何在明知此言獲罪於眾然願取前後細付之通知泡幻之大有如此

時勢之厄有如此則可以廢而返矣進而求矣得其粗則免死亡之禍保大衆之局得其精則鑿通萬宗路治一旨有進於道不負虛生此猶未言其萬一之萬一之至粗最淺者其有必欲言尚不可言者則不惟其以異類相待惟其因吾之言而重世之不信則累矣性海茫茫覺岸抑抑天不厭道來日方長悲夫

諭旨恭錄

二月十七日奉 旨戶部員外郎著存善補授吏部漢字堂主事著玉崑補授戶部新設宗室主事著溥寬補授欽天監監正著徐森補授江西南道監察御史著李盛鐸補授浙江道監察御史著徐士佳補授擬補內閣侍讀常福中書楊廷瑞方崑玉崔登瀛俱准其補授分發湖南道張成基浙江知府張彬陶湖南同知黃鳳岐浙江同知陳恭誥河南直隸州李汝濤廣東直隸州儲世鐸安徽知州蔣師敏陝西知縣王之屏冒樹楨浙江通判蔡彬江西通判彭詒孫奉天知縣廖彭江蘇知縣黎耀森山東知縣徐懋昭陝西知縣李相四川知縣徐鴻基知縣袁章瀾書麟陳錫齡江西知縣饒宗發湖北知縣朱承均陝西知縣哲臣湖北知縣李相四川知縣徐鴻基廣東知縣傅炳熙雲南知縣錢紹彭周海清俱照例發往分發雲南補用道韓鏡著發往直隸差遣委用京察官盛京開原筆帖式陽春著准其一等加一級病痊前安慶鳳穎六泗道雙福著照例用投効軍前山東候補知縣吳兆傑著開復原官發往山東差遣欽此同日奉 上諭昨日道旁叩關之已革恭將趙長春著交刑部嚴行審訊欽此

蔣觀察德鈞稟南北洋大臣請將製造局移設湖南稟併批

敬稟者光緒二十四年正月初十日奉 憲札開欽奉 寄諭上海製造局似宜設法移赴湖南近礦之區飭令道局確切籌議迅速稟復等因奉此伏查上海機器製造局自同治年間創辦即經奏陳應移至沿江偏僻處所迄今三十餘年封疆遠隔論列者不可勝數矧鑒於閩旅之燬粵臺之擄奪今則海權全失情形益非昔比其亟須設法移徙者固已毫無疑義惟是局歷年既久廢所較多誠如 憲諭移動為難地工廢料一經遷徙便多廢棄尤為不刊之論職道等悉心籌議謂局中各廠有萬不能不遷移者似亦不必遷移者而不能不移之中又須不動聲色因勢利導統籌經費指彼注茲庶為兩全之計謹擬辦法三條一於湖南地方相度善地分建鍊鋼廠洋槍廠子藥廠各一所添購鍊鋼機器一部並上年定購之洋槍新機一部分撥該廠鋼槍子藥規模畧定再行籌及礮廠湖南煤鐵人工事相宜移廠就料製造必多而槍礮子彈悉具於兵船不到之處無

論海波如何糜沸儲備可以無虞工作可以不較各路軍營皆能源源接濟矣一滬局老廠工作照常上游新廠須用物料仍可隨時取運至於方言翻譯等館應設上海所謂置之莊嶽之間更無庸徙一購買鍊鋼新機約需十萬金買地造廠修碼頭等事約需二十萬金擬於職局二成洋稅項下分年撥款辦理並將一切局用浮費隨行釐剔工作可緩者緩之以資挹注至將來常年經費應如何指撥之處伏候憲裁奏明辦理所有遵奉籌議緣由是否有當伏乞 憲察俯賜察核訓示飭遵再准江海關道來文稟由職局主稿合併陳明 敬再稟者查職局諸廠工程之大以鍊鋼廠為最當創辦之初費只五六萬兩歷年擴充費逾百萬若遽掣印殊為可惜是以議添新機一部詢之洋匠鍊鋼五墩爐者歲可鍊鋼千墩不進大砲專造槍筒小墩則五墩爐儘足用矣至於槍機舊者亦不必移上年訂購新機本須添造廠屋斷無置置新廠於危地之理恭釋 諭旨沿海各地易啟觀觀從前製造廠局多在江海要衝亟應未雨綢繆移設堂與之區庶幾緩急可恃等因似 聖意所注重尤在器械是以鋼廠槍廠必宜同時並舉也伏乞 垂察

北洋大臣批 據稟已悉茲事體大不可不通盤籌畫謀定後動大約以湘省擇地設廠為第一義俟湘廠辦有規模再議如何分設方為穩著仍候 南洋大臣 蘇撫院批示遵行

右稟及批係由天津友人寄來其見王雲帥公忠體國謀畫周詳慎選 諭旨不敢視同具文觀其以湘省擇地設廠為第一義之語尤微維持大局之卓見蓋移製造局於湘省不惟可免外人攘奪且於湘省之興工藝簡軍實宏礦產皆有裨益而可坐致富強保國之策無有便於此者夫雲帥初非湘人不過嘗官於湘耳而眷念舊民難忘於懷以視背理忘本忍不一援手又多方齟齬之者相去抑何遠耶然聞之鄉人歸自泥上者云蔣觀察頗以精核無私為同事所忌又不善事左右近習遂羣起議其有私於湘省而觀察且坐是銷差矣試問觀察身為滬局總辦每年持七十萬金洋稅之利權若以世俗所為坐致闕道不難也何必直道而行致為漠視軍國抗違 朝旨者所猜忌哉設不幸旅大不反英人必激而佔據吳淞則所有製造局公產皆為英有矣吾不解御肘者之何故甘心俯首以借兵而濟糧也 唐才常附識

湘潭公懇通縣試月課稟并批 撫憲暨學憲奉 旨 湘潭縣生員曹典植等為公懇變通縣試月課呈請提倡以廣風氣而資造就事竊見 撫憲刊發條戒通飭各該生童添設經濟一科分特科歲舉兩途現經出示曉諭通省士子一體知悉遵照又 學憲刊發條戒通飭各該生童

觀覽服習勉為實學通才如不能為經古雜文即時文尙有可觀生則難望高等童則難予進取等因仰見 大憲欽遵 諭旨求才孔亟並聞通飭各州縣多設學堂酌改書院課章此誠轉虛為實之機杼柔為剛之會生等自應及時砥礪各自奮興力除錮陋久約同志擬請仿照嶽麓書院及湘水校經堂章程創立學會如省城新設南學會之例因經費難成今 公祖甄別書院生童兼試雜藝俾諸士溫故知新開通志識將前此虛偽之習後來講學之基轉移於一舉幸何如之惟由此推行似宜多出經世各題聽各自專長一藝即作完卷論每課限以兩日俾遠處周知聞風鼓舞其卷應由 公祖署內評定以昭激勵生等引領勉企尙慮鄉僻困於見聞未由振作士氣茲集議擬請縣試除頭場外如有不作四書文者初覆試專門題約以特科六事二三覆試經史時務題末覆仍試專門題果能學識宏通體用具備一體取列前茅以開風化而裨實用可否仰懇 俯賜察核批准並請會同儒學出示曉諭城市鄉村俾閭閻人士知所宗尚爭自琢磨共體上臺提倡實學至意感服莫名循途漸進月異日新將來創立學會庶有張本生等不勝禱切待命之至謹呈

湘潭縣正堂陳大令贊批 據生員曹典植朱彝鼎趙璧劉紹基童生梁煥彝陳希哲等稟已悉奉 撫憲札飭奉 諭旨歲舉之外另行特科所以廣求人才共濟時艱也特科分爲六門類皆經濟之學應試者先由地方官考驗申送再由 各大憲探其所長咨送 禮部恭候召試本無一定年限與常行考試不同縣試即在歲舉之列似未便遽變向章改試經濟諸題致違定制惟該生等如果於特科擬試專門之學確有心得儘可遵照 撫憲示定章程由公正士紳保薦本縣會同儒學先行考試申送省城各書院俾得各資造就以爲他日登進之期亦本縣所深望也

右稟及批係湘潭友人寄來閱竟喟然歎曰湘潭人士之爲是請有心哉有心哉惟陳宇初大令批語謂遵定制則殊誤焉 國朝令甲重無四五場俱用時文之例即以鄉試而論頭場時文二場經義三場策問固不專取時文也且學使按臨各府亦先試經古近日徐大宗師手諭謂如不能爲經古雜文生則難望高等童則難予取進其苦心造士可感也批語又謂經濟特科必由地方官考驗申送恭讀本年正月 上諭飭下京官三品以上外官督撫學政各舉所知歲舉則由各學學巨調取反復推求所謂由地方官考驗申送之語實無明文殆陳大令之偶爾誤會耳方今世局艱危人才消歇 朝廷特開科目網羅天下豪俊之士共濟時艱撫部陳公憐倦者國每上念 皇上宵旰之憂勤繞室傍徨淚交流睫故靈頓手諭殷勤訓迪以興學育才

變通章程為第一義昨日長善兩縣縣考且面諭賴陳兩大令於二三場策以經濟時務蓋深冀一二良有司共體苦衷相為指臂也吾願天下之為督撫者總以懷遠 朝旨為心天下之為州縣者總以仰體憲政為法則國有起色矣因批語稍誤特為補正 樊維附識

英報論兼地不碍和局○英國日報論曰凡人不可向戰爭者見其兵會莫不心焉許之吾料其兵會本意以為各文化之邦兼併土地必啓他國疑忌故如有可乘之機我國決意自取之蓋英國撫有屬土最多豈遂置天下餘地而不顧徒免他國疑忌即任人取之即前摩烈會論之曰英國為安固正直之國如以吞併土地拓廣英宇則有防於其兵會本意是實大謬不然也

俄急軍備○九州日日報云東歷二月十三日俄兵四百餘連大炮六十七尊抵旅順口途中恐人疑訝以囊包之如貨物然又云十八日俄兵三千自旱路急走赴旅順口內二千名即可察克騎隊也又云在海參崴俄國魚雷船二隻與義勇艦隊加兒號偕行赴旅順口又云俄國政府現在飭令陸軍三千名派遣海參崴已經上途抵伊兒克苦府又云海參崴附近拉士利村增加駐兵五千尼路利士克村增加七千數處總計有四萬七千人又云俄國頃次在海參崴南北兩岸之地私建砲臺一已竣工一將起工從來海參崴附近之土工悉請日人作之而該砲臺專用伊國人如挑夫雖間有中國人必嚴禁洩露內事於外極為慎重又云現在建設之砲臺有備設海岸砲及舊砲各六尊噫俄人急於軍備若此其所為可知矣

俄國經費○東報云俄國大臣預查算本年歲入及歲出費額進奉俄歷一月一日上諭裁奪今見其所調查者歲入二十四億七千四百零四萬九千九百二十三留歲出十四億七千四百零四萬九千九百二十三留內西伯利亞鐵路費三千七百四十四萬七千零二十留鐵路雜餉三百七十一萬八千三百六十三留各地鐵路費二千三百五十六萬五千一百八十二留購入機械輪車費四千九百三十三萬四千一百四十五留其他增加海軍費七百一十一萬留增加陸軍費四百四十一萬留可見俄國一歲之間支絀已無算矣

高麗警耗○日本九州日日報載京城來信云俄國義勇艦隊哈巴若士幾號自旅順口抵仁川於東歷三月十三日有海兵五十七名上陸直入京十四日又引牛車四十輛入京又在仁川雇用韓人八十名觀其形勢知非尋常是以韓京一帶地方人心惶惶風雲黯澹似急雨將到也

全球電線○太陽報云現在世界電線縱橫恰如蜘蛛之絲數萬里事一日可以週知歐亞兩洲音信一日

可以往復其利人亦大矣一千八百九十七年八月末查全球電線其長實七百九十萬基米突內二十九萬二千基米突乃屬海底電線按五大洲歐羅巴洲中電線之長有二百八十四萬基米突亞細亞洲中有五十萬基米突亞非利加洲有十六萬基米突奧大利亞洲有三十五萬基米突亞美利加洲有四百零五萬基米突一基米突即中國三里有奇也

不纏足會題名  
李澤瀛字仙橋湘鄉人 黃敦愷字藻襄善化人  
曾廣鈞字電伯湘鄉人 黃敦序字劍元善化人  
黃敦懌字繼視善化人 劉煥辰字先端衡陽人  
翁焯字召臣善化人  
陳為鑑字璣臣郴州人  
張慶元字岷梧瀏陽人

物名	每	實	比較	物名	每	實	比較
銀	兩	兩平	一千三百四十八文	銀圓	圓	七錢五分	湘平 九百十五文
錢	千文	錢	七錢四分一厘	典錢	每串十足	七錢八分	
上白米	石	石	一千五百五十五文	次白米	石	一千五百一十二文	三千二百文
中米	石	石	一千一百五十五文	河東谷	石	一千二百四十二文	一千五百八十文
河四谷	石	石	一千六百五十五文	灰	石	四十一百文	五十六文
洋酒	包	包	二兩七錢五分	淮鹽	石	七兩六錢	
茶油	百	百	七兩三錢	菜油	百	六兩二錢	
洋油	百	百	一兩八錢二分	桐油	百	一千一百二十文	
牛油	百	百	一百二十文	栗木炭	百	十七兩二錢	
熟炭	百	百	八百文	上棉花	百	十六兩一錢	
熟炭	百	百	十六兩九錢	下棉花	百	四兩正	
中棉花	百	百	四兩三錢	二印折表	同前	四兩三錢	
頭印折表	石	石	四兩三錢	吳庄紙	石	三百一十文	
三印折表	同前	同前	二兩七錢五分	烟煤	石	三百一十文	
塊煤	石	石	三百一十文				
碎煤	石	石	二百五十文				

湘報第三十八號

一百五十二



# 儒醫

潮陽陳隱庵夫子序名謙精岐黃術住  
求忠篤志二齋一號 同門公白

## 真人丸藥局

開設省垣走馬樓精採上品藥材專製丸散  
膏丹六種藥酒擇於本月二十九日開張

六月內出書 股票賣至端陽止

## 時務報伍拾冊股票

官堆 貳串捌百  
杭連 每部貳串 文  
毛邊 貳串  
票寄阜倉坪陳公館出售

公為中興儒將用兵如神是宜稟願書札及練勇芻言等  
共念四卷皆談兵者不可少也

## 王壯武公全集

寄南陽街富文書局發售

## 朱子語類日鈔五卷

番禺陳澧編  
每册取紙本大錢八十文  
寄售 共賞書局  
藝學堂官書處

### 湖南宜開醫院說

今有披髮徒跣疾首感額泣而走告鄭藥曰嗚呼天下之病危矣急矣藥其手隔其足暗其耳眩其目噎其咽喉  
癯其心腹天下之病危矣急矣弗能為矣又有破涕取泪伸偃起覺喜而走告鄭藥曰噫嘻吾湘創學堂與學會  
以學開民智手其手足其足其耳其目其目咽喉其心腹其心腹補之瀉之攻之解之天下之病吾湘治之  
可以瘳矣藥始聞而纒纒繼而于終且邑曰今天下之病誠難其手其足其耳其目其目咽喉其心腹  
心腹危矣急矣弗能為矣吾湘創學堂與學會以學開民智誠其手其足其耳其目其目咽喉其心腹  
其心腹補之瀉之攻之解之天下之病由吾湘治之可以瘳矣抑思吾民之自病其手足其目其目咽喉其心腹  
復自任吾民之自病其手足其目其目咽喉其心腹使智者不智不智者愈不智乎夫智本于性性根于命命樹于體體  
者即手足耳目咽喉心腹之所寄也林林總總之倫利欲其志淫邪惑其心寒暑愆其序起居樂其神體質不  
周聰明離形是為能使智者益智不智者亦智乎古先王設醫以救萬世也法於陰陽和於術數上藥中藥辨其  
等養性命察其微神農黃帝以來靈樞玉版湯液諸經開四然二反之機緘洞五藏六府之藏結職稽周禮政  
掌醫師復有食醫疾醫醫醫兩之以九鍼之變參之以九藏之動民有疾病造焉治之聚毒藥以共事稽醫事以  
制食無成者焉大哉遠哉前聖人作之後聖人法之凡以強民體固民命貞民性而葆民智大哉遠哉降及末世  
方伎爭能醫學一門下俯下筮讀書未成之子牟利輕率之夫或雜錄方書動稱師授或粗通歌訣自詡家傳不  
明臟腑經絡之原不知陰陽逆從之理人命孤注漁獵金錢昏暮叩門百呼一應其幸而生人者十偶二三不幸  
而殺人者十且八九矣悲夫今人輒言拒夷而是惘惘者如虎如豹日馳騁于支那世界中從而狎之習而玩之  
竊謂血肉之軀未殞于西人巨礮快槍早殞于中土腐草朽木矣未亡于西人利戰巧鬪早亡于中人望聞問切  
矣彼藥也猶能備足也尚知納息人也何愚而忍以受之父母之身體髮膚授于庸醫之赤手隻指上無飢溺  
之念下無自衛之方豈不痛哉豈不痛哉聞醫者考西之立法也國有醫院醫有學堂凡為醫者免兵籍使專  
業也治疾者有文憑杜偽學也市藥者辨醫民嚴考核也治藥本乎化學精益求精視疾必用器械慎之又慎全  
體之精微必究病源之虛實詳稽故下泛加鍼投無不合近二十年來西醫之遊于中國者如天津有北洋醫院  
廣東有博濟醫院香港等處有華英醫院華人之就醫全愈者歲以千計利誠薄矣法誠備矣烏有中西氣質各  
殊藥性迥異之說哉或且泥之曰西醫長于外不若中醫長于內西醫得于急不若中醫務于緩此猶管窺蠡測

長沙鄭藥撰